

2. maj 2019

UKA2019/67  
Karl-Kristian Kruse

**Namminersorlutik Oqartussat pigisaanni, pisortat suliffeqarfiutaanni misissueqqissaarnermi iluaqutaasinnaasut aamma ajoqutaasinnaasut selskabit niuertorpalaartumik ilusiligaasimanerannut aqqissuussisimanermi siunertaqartunuinnaanngitsoq taamaattorli aamma immikkuullarissumik politikikkut qajassuussinissaq pillugu UKA2019-mut saqqummiuussinissaannik Naalakkersuisut peqquneqarnissaannik Inatsisartut aalajangiiffigissaattut siunnersuut.**

(Inatsisartunut ilaasortaq Pele Broberg, Partii Naleraq)

Siunnersuutigineqartoq pissaganartoq Siumumiit imaattumik oqaaseqarfigissavarput.

1990-sikkunni taamanikkut Namminersornerullutik oqartussat suliffeqarfiutaasa pisortanit tamakkiisumik pigineqartut ilaat namminersortunngorsarneqarmata aktiaateqarluni ingerlatseqatigiiffingortitsinissaq atornerarpoq taamatut aqqissuusineq inatsisitigut piumasqaataasutigut isumannaannerpaammata taamatullu aningaasatigut ingerlatsinikkut pisortanut attuumassuteqanngilluinnartumik ingerlatsinissaq periarfissaalissamat.

Anguniagassat pisortat suliffeqarfiutaata namminersortup pilersinneratigut anguniarneqartussat aamma aktiaateqarluni ingerlatseqatigiiffitsigut anguneqarsinnaapput. Tamanna pisarpoq inatsisitigut, akuersissutitigut allatigullu immikkut aalajangersaanerit aktiaateqarluni ingerlatseqatigiiffiutitsinnut taakkunungalu atasumik kiffartuussinissamik isumaqatigissutinut atuuttut atornerisigut, taakkuuppullu Namminersorlutik Oqartussat pisisartullu aamma ingerlatseqatigiiffiup sulisutut akornanni pisinnaatitaaffiit pisussaaffiillu aalajangersaaffiginerisigut, soorlu assersuutigalugu susasaqarfiit uuliamik nioqutissanillu pilersuinnermut tunngasut, puisit amiinik tunitsiveqarnermut tunngasut aamma angallassisarnernut allanullu tunngasut.

Taamatut namminersortunngorsaanerup kingunerisaanik ingferlatseqatigiiffiit ataasiakkaat inuiaqatigiinni sullissinisanut isumaqatigiissuteqarnikkut isumaginnittunngortinneqarsinnaapput, soorlu ullumnikkut RAL-i Nunaqarfinnik isorliunerusunillu Kangaatsiaq Qeqertarsuarlu ilanngullugit pilersuinissamut 62,55 mio.kr.-inik namminersorlutik oqartussat akiliuteqarnerisigut isumaginnitussanngortinneqartoq.

Siumumiillu ilanngullugulu taasariaqarapoq pisortat suliffeqarfiutaat namminersortut aamma namminersorlutik oqartussanit pisussaaffilersorneqarlutik ingerlanneqartut arlallit suliffeqarfiit naalakkersuinikkut sulinnermut attuumassuteqarnatik, nunarsuaq tamakkerlugu aamma unammillersinnaassuseqarlutik ingerlanissaat periarfissaqartinniarlugu pilersinneqarsimmamata soorlu Royal Greenland taasinnaavarput. Aammalu siumumiit isumaqarpugut Inmuaqaqatigiinni pisariaqartitsineq malillugu sunulluunniit sammisunik aktiaateqarluni ingerlatseqatigiiffiutivut killiliussatigut Naalakkersuisunit piunaaffigineqarsinnaasarmata aalajangersaavigineqarlutillu.

Aammalu Naalakkersuisut akissutaanni oqaatigineqartoq, tassa Folketingets Statsrevisorer nalunaarummi eqikkaasimasut, tassanilu Finansministeriap piginnittuunermut politikkia malillugu aktiaateqarluni ingerlatseqatigiiffiit periarfissatut salliusariaqartut, matumani naalagaaffik ingerlatseqatigiiffinnik pilersitsisimatillugu, matumanimi malittarisassat aamma ministeriap aktiaateqarluni ingerlatseqatigiiffinnut nakkutilliinissamut pisussaaffii pisortat suliffeqarfiutaannut namminersortunut sanilliullugu ersarinnerummata.

Taamannak oqaaseqarluta Naalakkersuisut akissutaat paasilluarparput, itigartitsinissamillu oqariartuutaat isumaqatigalutigu.